



AVIZU

Nº10/2018/AICA

Halo tuir numeru 2 artigu 8.º iha Diploma Ministerial nº 15/2018, lora 23 fulan Maio, informa katak prosedimentu atualizasaun dadus kadastrais nebe foti hahu husi levantamentus kadastrais uluk nian iha area sira hanesan tuir mai:

Área Kolesaun : 090101, 090102, 090103, 090104, 090105,
090106, 090107, 090108, 090109, 090110,
090111 no 090112

Suku : Dato, Maumeta no Lauhata

Postu Administrativu : Liquiçá no Bazartete

Munisipu : Liquiçá

Prosedimentus ba atualizasaun kadastral, tuir faze sira iha publisitasaun, atualizasaun registus, publikasaun, reklamasaun no konfirmasaun, hahu iha lora 17 Agostu 2018 no prazu remata fulan 12 sei sura husi lora hahu.

Prosedimentu atualizasaun ba dadus kadastrais sira nebe hahu foti iha levantamentus kadastrais uluk nian ho hanoin atu hadi'a, kompleta, atualiza no dijitaliza dadus hirak ne'e ho objetivu atu tau hamutuk iha baze dadus uniku ho informasaun kompletu no ho qualidade.

Prosedimentu ba atualizasaun kadastral sei hahu ho faze publisitasaun, nebe sei taka avizu ba publiku liu husi edital, hato'o mos avizus liu husi

meius komunikasaun sosial no hala'o enkontrus sosializasaun no aproximasaun hamutuk ho komunidadade sira. Ba area koleasaun sira nebe tama iha avizu ne'e, enkontrus ba sosializasaun sei hala'o iha:

ÁREA KOLESAUN	SUKU	ENKONTRU KOMUNITARIU		
		LORON	TUKU	FATIN
090101, 090102, 090103, 090104, 090105, 090106, 090107, 090108, 090109, 090110	Dato, Maumeta, Lauhata	03/10/2018	10h00	Sede Aldeia Maumeta
090111, 090112	Maumeta, Lauhata	04/10/2018	10h00	Sede Suku Lauhata

Faze ba publisitasaun tuir kedas ho faze atualizasaun kadastral nebe sei hahu halo atendimentu iha gabinete no halo remata iha kampo. Atendimentu iha gabinete atu identifika deklarante tuir sira nia rejistus, hodi kompleta, atualiza no halo dadaun koresaun ba informasaun kadastral no hodi hala'o ajendamentu servisu ba iha kampo. Servisu ba iha kampo ho hanoin atu foti fotografia rai nian, asinatura husi vizinu sira, entrega numeru uniku identifikasaun rai nian no hadi'a balizas rai nian.

Reklamasoens no deklarasoens sira nebe uluk iha ona, tuir termus husi artigos 79.º no 80.º Lei n.º 13/2017, loron 5 fulan Juinu, sei konsidera validus bainhira hahu prosedimentu ida ne'e, laiha prejuizu ruma ba nia atualizasaun.

Prosedimentu ida ne'e fo dalan atu hato'o deklarasoens foun na'in ba rai.

Hafoin remata tiha atualizasaun ba informasaun kadastral, deklarasoens sira nebe atualiza tiha ona nomos deklarasoens foun na'in ba rai sai hanesan objetu ba publikasaun obrigatoriu, iha periodu loron 90 nia laran. Hafoin hala'o tiha periodu ba publikasaun, deklarante sira sei iha tempu loron 15 atu bele hato'o tan reklamasoens.

Rejistus sira nebe la liu husi prosedimentu atualizasaun hafoin remata prazu sira tuir lei labele ona hatama ba iha baze dados Cadastro Nacional de Propriedades.

Informasaun liutan konaba prosedimentu atualizasaun dadus kadastrais nebe hahu foti iha levantamentu kadastral uluk nian, bele hare iha Diploma Ministerial nº15/2018, loron 23 fulan Maio.

Díli, 17 Setembru 2018